

1. **USTAVNI SUD BOSNE I HERCEGOVINE** – ul. Reisa Džemaludina Čauševića br. 6/III, Sarajevo, koga zastupa generalni sekretar Nataša Vuković (u daljem tekstu: **Naručilac**)
2. **LIFTMONT d.o.o. Sarajevo** - ul. Republike Bugarske br. 26, Sarajevo, kojeg zastupa direktor Aida Hodžić (u daljem tekstu: **Izvršilac**)

U G O V O R
za pružanje usluga servisiranja i održavanja liftovskog postrojenja
Ustavnog suda Bosne i Hercegovine

I – PREDMET UGOVORA:

Član 1.

Predmet ugovora su poslovi na pružanju usluga servisiranja i održavanja liftovskog postrojenja Ustavnog suda Bosne i Hercegovine, u svemu prema Zahtjevu broj SU-08-287/23 i Ponudi broj P-027-23, koje su sastavni dio ovog Ugovora, a eventualne popravke i ugradnja rezervnih dijelova će se posebno fakturisati.

II – OBAVEZE IZVOĐAČA:

Član 2.

Izvršilac je obavezan da za radove na redovnom održavanju i servisiranju lifta u zgradi Predsjedništva BiH za potrebe Ustavnog suda Bosne i Hercegovine izvrši slijedeće: probnu vožnju, kontrolu, čišćenje, podmazivanje liftovskog postrojenja ili pojedinih elemenata, podešavanje liftovskog postrojenja za kvalitetan i bezbjedan rad, nakon izvršenog servisiranja isto evidentira u knjigu održavanja lifta i vrši zamjenu potrošnog materijala po datoj Ponudi – opisu poslova.

U slučaju identifikacije kvara i utvrđenog rezervnog dijela koji treba zamijeniti, Izvršilac je dužan dostaviti cijenu rezervnog dijela (predračun) u roku od 12 sati, a najkasnije 24 sata od trenutka utvrđivanja kvara. **Naručilac** zadržava pravo provjere cijene rezervnog dijela na tržištu (putem ispitivanja tržišta, interneta, isl). Ukoliko je cijena rezervnog dijela realna tržišna cijena, **Naručilac** će prihvatiti cijenu, a ako je značajno viša od realne tržišne cijene, **Naručilac** zadržava pravo da sam nabavi rezervni dio. U slučaju da **Naručilac** sam nabavi rezervni dio, **Izvršilac** je dužan ugraditi ga u skladu sa uslovima navedenim u svojoj ponudi.

Izvršilac je obavezan da, po pozivu **Naručioca**, jednom u toku ugovornog perioda obavi godišnji tehnički pregled lifta, te izda upotrebnu dozvolu za korištenje istog, prema cijenama koje su sastavni dio Ponude iz člana 1. ovog ugovora.

III - OBAVEZE NARUČIOCA:

Član 3.

Naručilac je obavezan da **Izvršiocu** omogući neometan pristup svim dijelovima liftovskog postrojenja.

Usluge mjesečnog servisiranja lifta i redovnog godišnjeg tehničkog pregleda **Izvršilac** će vršiti po nalogu ovlaštenih lica **Naručioca**.

Usluge vanrednog tehničkog pregleda i dijagnostike Izvršilac će vršiti izuzetno i isključivo po posebnom pisanom zahtjevu Naručioca. Pozivi Naručioca u slučaju kvara lifta ne potpadaju pod vanredni tehnički pregled i dijagnostiku.

U slučaju kvara, Izvršilac će posebno fakturisati popravak i ugradnju rezervnih dijelova, na osnovu predhodno dostavljenog i odobrenog predračuna.

IV – CIJENA:

Član 4.

Cijena redovnog mjesečnog servisiranja lifta iznosi **100,00 KM** bez uračunatog PDV-a, što ukupno iznosi **1.200,00 KM** bez uračunatog PDV-a za ugovorni period od godinu dana.

Član 5.

Cijena redovnog godišnjeg tehničkog pregleda i izdavanja upotrebne dozvole iznosi **250,00 KM** bez uračunatog PDV-a.

Cijena vanrednog tehničkog pregleda i dijagnostike – **250,00 KM** bez uračunatog PDV-a.

Cijena norma sata 1/h za popravak u slučaju kvara iznosi **20,00 KM** bez uračunatog PDV-a.

Cijena rezervnih dijelova prihvaćice se ukoliko je odobrena od strane Naručioca na osnovu dostavljenog predračuna.

V – PLAĆANJE:

Član 6.

Za sve izvršene usluge u okviru ovog ugovora Izvršilac će ispostavljati odgovarajući račun za svaki izvršeni posao, ili zbirni račun za više izvršenih poslova, a nakon što je ovjeren od strane ovlaštenih lica Naručioca da je usluga obavljena.

Član 7.

Naručilac je dužan da fakturu za izvršene usluge prosljedi na plaćanje Trezoru BiH odmah, a najkasnije u roku od 30 dana od dana prijema iste bez primjedbi.

Sve poreske obaveze moraju biti uključene i posebno iskazane u sklopu ispostavljenog računa.

Izvršilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

VI – GARANCIJA I REKLAMACIJA:

Član 8.

Izvršilac garantuje da će sve radove i usluge utvrđene ovim ugovorom obavljati stručno, savjesno i kvalitetno.

Izvršilac garantuje da je rok odziva na poziv najkasnije 2 sata od usmenog ili pismenog poziva Naručioca.

VII – OSTALE ODREDBE:

Član 9.

Ugovor se zaključuje na period od godinu dana a stupa na snagu danom potpisivanja ovlaštenih lica ugovornih strana.

Ugovorne strane mogu raskinuti ugovor uz otkazni rok od 30 dana.

Član 10.

Za sve ostale slučajeve i eventualne situacije koje nisu regulisane ovim ugovorom, primjenjuju se odredbe Zakona o obligacionim odnosima u BiH.

Član 11.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 12.

Ovaj ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

ZA IZVRŠIOCA:

Direktor

LIFTMONT
d.o.o.
SARAJEVO
Društvo s ograničenom odgovornošću
Intenzivna liftova, pokretnih stepenica i traka

Aida Hodžić

ZA NARUČIOCA:

Generalni sekretar Ustavnog suda BiH

Nataša Vuković


Broj: 28-UG-2023
Datum, 20.03.2023.gj.

Broj: SU-08-287-2/23
Datum, 10. mart 2023. godine